

斜川集  
中

作

卷一

一

二

三

四

五

六

七

八

九

十

十一

十二

十三

十四

斜川集卷第三

肩山蘇 過 叔黨撰

題鬱孤臺

懷玉案坡集有鬱孤臺詩自注云在虔州作時為紹聖元年叔黨詩即和其韻

澤國風煙惡平居念少游三冬霜樹少八月火雲流旅

館那堪暑危臺獨覺秋遠林藏小寺虛市隔孤洲日落

山銜碧江昏蜃吐樓雲峯連北斗鳥道絕南州巨壑從

茲逝軒裳豈足留終當思范蠡歸泛五湖舟

次韻叔父所居六首

長元案欒城集有寓居六詠東坡集亦有和詩此佚第二

第六兩首蓋紹聖三年隨坡在惠州時作永樂大典下三首題作新竹榴花雞冠散見各部今

并錄  
之

旅寓仍艱歲，谿毛入饋盤。  
泥芹洗秋白，露菊擷朝寒。  
未覺江湖遠，空驚歲月闌。  
諸兒還自喜，頗亦試艱難。

湫隘黃門宅，喧囂半雉牆。  
此君時掩苒，小屋自清涼。  
月落寒梢靜，春回穉筍猖。  
兒童護雞犬，更看引鞭長。

榴實江南少，依稀綴樹叉。  
稍存後彫質，能吐欲然花。  
西蜀雖吾里，東軒似故家。  
田園隨處是，何必買生涯。

戶外從羅雀，空階放草長。  
大雞俄獨立，衆卉已難藏。  
意氣矜全盛，萎蕤憫欲僵。  
伶俜蜂與蝶，未免歎脣亡。

次韻叔父詠竹二首

江湖猶在眼水竹負幽尋故買比鄰宅期分數畝陰影  
侵書帙亂色映綠苔侵肅殺秋將至霜餘出茂林

此君非草木勁節凜佳賓相對山陰禊會陪南阮貧琳  
琅風葉響水墨月窗勻何必籃輿出敲門問主人

己卯冬至儋人攜具見飲既罷有懷惠許兄弟懷

案是爲元符二年坡集有用過韻冬至與諸生  
飲酒之作中有云愁顏解符老壽耳鬪吳翁坡  
自注云符吳皆座客蓋  
符林秀才吳子野也

寂寞三冬至飄然瘴海中不嫌羈寓遠屢感歲華窮父

老憐匏繫肴蔬盛盞饌一歡爲子壽百福與君同已慣  
鳶飛墮真忘馬首東南音行自變重譯不須通椰酒醅  
醜白銀皮琥珀紅海南有銀皮酒倉猝醉野獠絕倒共鄰翁  
芋人人送困庖日日豐瘴收黎母谷露入菊花叢海蜃  
羞蚶蛤園奴饋韭菘檳榔代茗飲吉貝禦霜風悵望懷  
諸阮遙知憶小馮客身雖嶺嶠逸想在瀛蓬介隱惟借  
母龐團獨侍公故山千萬里此意託飛鴻

秋思

秋入郊墟早霜高宇宙寬頭風思檄手髀肉怯征鞍俯

偃非吾事歌呼強覓歡自知毛羽短松桂不禁寒

次韻楊良卿秋雨有感二首

一飽真難得凶豐特未分連綿窗外滴惆悵隴頭耘雀  
啁飢謀食鼃鳴夜作羣誰能補天漏我欲跨重雲

電驅瓴建屋溪漲浪翻查身作三年客愁隨萬點鴉家  
書空繫雁燈信未占花夢裏尋歸計柴桑似有涯

王謹常再和前詩復次其韻

旅枕何曾睡恹恹到夜分崎嶇世路走辛苦夏畦耘老  
棄林泉樂來居戎馬羣登高一悲咤杳杳是燕雲

燕山雲中

王子可人處壁閒畱短槎自雖疑刻鵠初不得黔鴉世  
味真嚼蠟塵心不染花相逢定相契一笑共生涯

次韻孫志康書事

午枕睡方濃雷車殷地雄彈丸屋瓦墜雲散馬牛風神  
物聊相戲驚心未解空似催詩句急添得錦囊豐

和趙朝議追詠其亡友園亭三首

宿草論交舊佳亭榜字新平疇煙漠漠野水碧粼粼挂  
劍嗟吾晚懸車歎汝伸西州不忍過朱戶鎖埃塵

軒冕真餘事林泉獨我親揚雄雖有宅王翰孰爲鄰披



句空遺恨沾衣想自頻覩公憐友作擬德定其倫

引退元非病歸田卻患貧躬耕聊自給知命敢言屯好

客還師鄭多金不羨秦猶能化鄰里殆類葛天民

遊英州碧落洞

懷玉案紹聖元年坡自江西赴惠州有碧落洞詩紹聖二年又有與

程正輔遊碧落詩叔黨

此詩未知作於何時

千尺琅玕翠入雲神仙已去洞仍存寒崖但見懸鍾乳

流水無窮瀉石門未到朱明真洞府先看峽口小崑崙

捨舟欲問桃源路安得漁人與共論

送曇秀

長元案此紹聖三年作永樂大典缺載從東坡題跋補錄

三年避地少經過十日論詩喜琢磨自欲灰心老南岳  
猶能爾足慰東坡來時野寺無魚鼓去後閒門有雀羅  
從此期師真似月斷雲時復挂星河

東亭

懷玉案欒城後集有寓居二詠東亭其一也此正和其韻似佚東樓一首攷坡集亦有和

詩蓋紹聖四年

謫昌化軍時作

閉眼黃庭萬想歸此心久已息紛馳幽居正喜門羅雀  
晨起何妨笏拄頤自信丹田足黎棗不憂瘴雨滯茅茨  
二山咫尺承明遠世路榛蕪誰與披

椰子冠

懷玉案坡集紹聖四年有次韻子由三首其二爲東亭東樓椰子冠亦其一也欒城

集亦有詩題云過姪寄椰子冠是此詩蓋倡於叔黨而坡頴俯同其韻也

玉佩犀簪暗網絲黃冠今習野人儀著書豈獨窮周一作

莊叟說偈還應見祖師櫻子偶從遺物得竹皮同使後

人知平生冠冕非吾意不為飛鳶跼墮時

### 大人生日

長元案據第一首七年二字當是元符三年十二月作時坡拜玉局之除北還

過嶺寄子由有七年來往我何堪之語蓋紹聖元年責惠州已而過海至是為七年矣餘六首凡原生貧病陰功活人世間出世字句複出疑非一時所作永樂大典依類編纂今亦無能分

析矣

七年野鶴困雞羣匪虎真同子在陳四海澄清待今日

五朝光輔屬何人從來令尹元無愠豈獨原生不病貧

天欲斯民躋仁壽臥龍寧許久謀身

未試陵雲白日仙此聲固已速郵傳

公在海南四方傳有白日上事

陰功何止千人活法眼要求一大緣枕上軒裳真昨夢

腹中黎棗是歸田他時漢殿觀遺鼎猶記曾陳柏寢年

昔將直道破羣纖出走寧逃此日讒塞馬未還非叟病

莫邪偶棄豈鉛銛長生有道因辭寵造物無私獨與謙

從此軒裳真敝屣世閒出世固難兼

一封已責被敷天

揚州論積欠事

十萬饑民粥與餽不待丹砂

錫難老自憑陰德享長年壽條固已占黃髮珠火還應  
養寸田況是玉皇香案吏御風騎氣本冷然

勿驚髀減帶圍寬壽骨巉然正隱顴不待期頤祝難老  
固知穠蓂自豐年僵松再蔚千齡葉胥并新飛百尺泉  
坐想山神無伎倆卻應造物報其天

疇昔東華典祕藏於今晻曖水雲鄉欲知萬里雷霆譴  
要與三山咫尺望世上功名那復記洞中仙籍已難量  
仇池何用追仙馭香案仍歸侍玉皇

窮寓三年瘴海濱簞瓢陋巷與誰鄰維摩示疾原非疾

原憲雖貧豈是貧  
紡姬固嘗占異夢  
肉芝還已獻畸人  
世閒出世何由竝  
一笑榮枯等幻塵

次韻叔父小雪二首

懷玉案頴濱詩載樂城三集題云十月二十九日雪

屏帷夜久灰殘獸  
紙帳寒驚月在窗  
似聽竹聲知有雪  
便添酒興欲傾缸  
西鄰正想蒲團穩  
古殿遙瞻老柏雙  
自笑窮愁拙生理  
不謀升斗待西江

夜來小雪猶凝地  
睡起扶桑已著窗  
卻喜少陵時炙背  
不憂北海屢空缸  
豐年何待豚蹄祝  
薄淖聊煩蠟屐雙  
試走湖邊望嵩少  
殆如疊嶂在煙江

次韻叔父上巳二首

懷王案穎濱詩  
載欒城後集

日晏幽人未下牀  
春風暗度百花香  
掩關頗得禪家味  
卻掃從教世路荒  
絕口誰能論夢幻  
逢人聊祇話耕桑  
翟公門外常羅雀  
要放空階草木長

幾年零落臥江湖  
樂事何人與我俱  
上巳偶尋流水禊

流水一  
云脩竹泛觴聊為小兒娛  
殘杯冷炙慙佳節  
草服黃冠

慕野夫永謝輕肥  
追世好窺園已愧  
下帷儒

次韻叔父黃門己丑歲除二首

懷王案穎濱詩載  
欒城三集是為大

觀三

年

坐閱星周幾變遷恒河見性但依然求田問舍追三徑

面壁灰心過九年

公自庚辰歲歸潁昌杜門不出今十年矣

早退得閒真玩

歲跏趺數息是安眠從今甲子當須記異日應無史趙

賢

卒歲優哉樂事全家庭瑞氣鬱葱然椒花頌酒祈新福

臘雪飛空作有年塞馬未歸人勿歎黃梁已熟客猶眠

潁濱遺老非虛語萬古巢由不獨賢

公自號潁濱遺老

叔父生日

重耳飄流十九年我公涉世屢艱難笑看禮至爭銘鼎



便學陶宏欲挂冠枕上軒裳何足夢壺中天地本來寬  
幅巾從此追巢許永愧蒼生起謝安

山澤癯仙事渺茫武陵之說亦荒唐老聃及見東周晚  
季子幾同魯史長直以至仁符靜壽固非吉卜予康強  
漢庭已致商顏叟寧似初平老牧羊

平生種德在斯民物理循環付大鈞今日里閭驚萬石  
異時廊廟活千人退藏欲遂箕山志談笑歸來潁水濱  
謾效兒童祝難老楚南靈木不知春

圖形未肯上凌煙欲了人間一大緣心法已傳黃蘗要